


历代科举文献整理与研究丛刊

主编 陈文新

明代科举与文学编年（中）



陈文新 何坤翁 赵伯陶 主撰



WUHAN UNIVERSITY PRESS
武汉大学出版社

历代科举文献整理与研究丛刊

主编 陈文新

明代科举与文学编年（中）

陈文新 何坤翁 赵伯陶 主撰

其他撰稿人 周勇 江俊伟 徐薇 韦芳玉 徐卓阳

国家『985工程』中国传统文化现代转型创新基地建设成果



武汉大学出版社
WUHAN UNIVERSITY PRESS

图书在版编目(CIP)数据

明代科举与文学编年/陈文新,何坤翁,赵伯陶主撰. —武汉:武汉大学出版社,2009.9

历代科举文献整理与研究丛刊/陈文新主编

ISBN 978-7-307-07097-4

I. 明… II. ①陈… ②何… ③赵… III. ①科举制度—史料—汇编—中国—明代 ②古典文学—文学研究—中国—明代 IV. D691.3
I206.2

中国版本图书馆CIP数据核字(2009)第103030号

责任编辑:朱凌云 李 琼 黎晓方 责任校对:刘 欣 版式设计:马 佳

出版发行:武汉大学出版社 (430072 武昌 珞珈山)

(电子邮件:cbs22@whu.edu.cn 网址:www.wdp.com.cn)

印刷:武汉中远印务有限公司

开本:787×1092 1/16 印张:213.25 字数:4655千字 插页:10

版次:2009年9月第1版 2009年9月第1次印刷

ISBN 978-7-307-07097-4/D·916 定价:1380.00元

版权所有,不得翻印;凡购买我社的图书,如有缺页、倒页、脱页等质量问题,请与当地图书销售部门联系调换。

目 录

中

明宪宗成化二十二年丙午(公元 1486 年)	1101
明宪宗成化二十三年丁未(公元 1487 年)	1106
明孝宗弘治元年戊申(公元 1488 年)	1158
明孝宗弘治二年己酉(公元 1489 年)	1163
明孝宗弘治三年庚戌(公元 1490 年)	1168
明孝宗弘治四年辛亥(公元 1491 年)	1211
明孝宗弘治五年壬子(公元 1492 年)	1219
明孝宗弘治六年癸丑(公元 1493 年)	1228
明孝宗弘治七年甲寅(公元 1494 年)	1272
明孝宗弘治八年乙卯(公元 1495 年)	1278
明孝宗弘治九年丙辰(公元 1496 年)	1284
明孝宗弘治十年丁巳(公元 1497 年)	1294
明孝宗弘治十一年戊午(公元 1498 年)	1298
明孝宗弘治十二年己未(公元 1499 年)	1304
明孝宗弘治十三年庚申(公元 1500 年)	1313
明孝宗弘治十四年辛酉(公元 1501 年)	1316
明孝宗弘治十五年壬戌(公元 1502 年)	1321
明孝宗弘治十六年癸亥(公元 1503 年)	1362
明孝宗弘治十七年甲子(公元 1504 年)	1367
明孝宗弘治十八年乙丑(公元 1505 年)	1372
明武宗正德元年丙寅(公元 1506 年)	1413
明武宗正德二年丁卯(公元 1507 年)	1419
明武宗正德三年戊辰(公元 1508 年)	1427
明武宗正德四年己巳(公元 1509 年)	1438
明武宗正德五年庚午(公元 1510 年)	1446
明武宗正德六年辛未(公元 1511 年)	1455
明武宗正德七年壬申(公元 1512 年)	1465

明武宗正德八年癸酉(公元 1513 年)	1469
明武宗正德九年甲戌(公元 1514 年)	1476
明武宗正德十年乙亥(公元 1515 年)	1485
明武宗正德十一年丙子(公元 1516 年)	1489
明武宗正德十二年丁丑(公元 1517 年)	1494
明武宗正德十三年戊寅(公元 1518 年)	1504
明武宗正德十四年己卯(公元 1519 年)	1509
明武宗正德十五年庚辰(公元 1520 年)	1518
明武宗正德十六年辛巳(公元 1521 年)	1527
明世宗嘉靖元年壬午(公元 1522 年)	1539
明世宗嘉靖二年癸未(公元 1523 年)	1545
明世宗嘉靖三年甲申(公元 1524 年)	1604
明世宗嘉靖四年乙酉(公元 1525 年)	1613
明世宗嘉靖五年丙戌(公元 1526 年)	1618
明世宗嘉靖六年丁亥(公元 1527 年)	1629
明世宗嘉靖七年戊子(公元 1528 年)	1639
明世宗嘉靖八年己丑(公元 1529 年)	1651
明世宗嘉靖九年庚寅(公元 1530 年)	1711
明世宗嘉靖十年辛卯(公元 1531 年)	1717
明世宗嘉靖十一年壬辰(公元 1532 年)	1730
明世宗嘉靖十二年癸巳(公元 1533 年)	1824
明世宗嘉靖十三年甲午(公元 1534 年)	1829
明世宗嘉靖十四年乙未(公元 1535 年)	1837
明世宗嘉靖十五年丙申(公元 1536 年)	1916
明世宗嘉靖十六年丁酉(公元 1537 年)	1922
明世宗嘉靖十七年戊戌(公元 1538 年)	1928
明世宗嘉靖十八年己亥(公元 1539 年)	1972
明世宗嘉靖十九年庚子(公元 1540 年)	1976
明世宗嘉靖二十年辛丑(公元 1541 年)	1984
明世宗嘉靖二十一年壬寅(公元 1542 年)	2031
明世宗嘉靖二十二年癸卯(公元 1543 年)	2036
明世宗嘉靖二十三年甲辰(公元 1544 年)	2045
明世宗嘉靖二十四年乙巳(公元 1545 年)	2093
明世宗嘉靖二十五年丙午(公元 1546 年)	2097
明世宗嘉靖二十六年丁未(公元 1547 年)	2101
明世宗嘉靖二十七年戊申(公元 1548 年)	2148

明世宗嘉靖二十八年己酉(公元 1549 年)	2151
明世宗嘉靖二十九年庚戌(公元 1550 年)	2155
明世宗嘉靖三十年辛亥(公元 1551 年)	2206
明世宗嘉靖三十一年壬子(公元 1552 年)	2211
明世宗嘉靖三十二年癸丑(公元 1553 年)	2214
明世宗嘉靖三十三年甲寅(公元 1554 年)	2264
明世宗嘉靖三十四年乙卯(公元 1555 年)	2268
明世宗嘉靖三十五年丙辰(公元 1556 年)	2272
明世宗嘉靖三十六年丁巳(公元 1557 年)	2316
明世宗嘉靖三十七年戊午(公元 1558 年)	2319

明宪宗成化二十二年丙午（公元1486年）

正月

升左春坊左庶子刘健为詹事府少詹事，供职如故，以九年秩满也。（据《馆阁漫录》卷六《成化二十二年》）

二月

升修撰林瀚为左谕德，以九年秩满也。（据《馆阁漫录》卷六《成化二十二年》）
进士王质、赵铨、吕献、夏昂为给事中。质吏科，铨、献刑科，昂工科。（据《国榷》卷四十）

三月

改南京礼部左侍郎尹直于兵部。直内附当道中贵，而外则少傅万安为之力援也。（据《馆阁漫录》卷六《成化二十二年》）

许琉球入监，贡生蔡宾等五人还国。（据《国榷》卷四十）

四月

刘天民（1486—1541）生。据李开先《四川按察司副使前吏部文选司郎中函山刘先生墓志铭》。字希尹，号函山，历城人。正德甲戌进士，除户部主事。谏武宗南征，廷杖，改礼部。谏大礼，复廷杖，迁吏部郎中，出知寿州，历官按察司副使。有《函山先生集》十卷。

六月

升修撰兼校书傅瀚为左春坊左谕德兼检讨，供职如故，以九年秩满也。（据《馆阁漫录》卷六《成化二十二年》）

七月

命右春坊右庶子汪谐、左春坊左谕德程敏政为应天府乡试考官。（据《馆阁漫录》卷六《成化二十二年》）

商辂（1414—1486）卒。《馆阁漫录》卷六《成化二十二年》：“辛酉，致仕少保、吏部尚书兼谨身殿大学士商辂卒。辂字弘载，浙江淳安人。宣德乙卯乡试，又十年始登进士及第，乡试、会试、殿试俱第一，初授修撰。丁卯岁，英宗命选讲读以下十人进学东阁，辂与焉。己巳之变，英宗北狩，景皇帝即位，召入内阁参与机密，升侍读。是时北虏方炽，而闽浙盗又起，奏牍填委，辂悉心参佐，劳效为多。景泰庚午，升学士。英宗至自虏庭，景皇帝遣辂至居庸关奉迎还。壬申，升兵部左侍郎兼学士并左春坊大学士，赐以居第。丁丑，英宗复辟，石亨等嫉言官劾之，坐除名。成化丙戌，召起复原任，仍参预机密，首言八事，切时政。戊子，慈懿皇太后崩，辂率群臣上疏定祔葬之议，从之。是岁，升兵部尚书，仍兼职如故。癸巳，内官监管皇庄者害人，辂言：‘天子以天下为家，何以庄为？’上嘉纳之，改户部，仍兼旧职。修《续资治通鉴纲目》成，兼文渊阁大学士。丙申，加进太子少保，改吏部。时幸臣有欲于掖廷建玉皇祠，每岁以内臣执事如郊祀仪祭之者，辂力言止之。宫门灾，工部请差内外官征材湖广等处，辂言：‘上天垂戒，宜少缓修葺，以存警戒。’从之。丁酉，命兼谨身殿大学士。时汪直开西厂，行事大肆罗织，屡起大狱，势焰熏灼，人不敢言，辂谐同列上疏极言之。会六部大臣亦以为言，遂革西厂，由是见憾于直。会故大学士杨荣曾孙晔有罪不就逮，赴京避罪，为直所发，语连辂，辂遂乞致仕，诏进少保，赐玺书，给驿以归。至是卒，七十三。讣闻，赠特进荣禄大夫、太傅，谥文毅，遣官谕祭，命有司营葬域。辂体貌修伟，风神雅秀，文章典实，不事华藻。为人平粹简重，宽厚有容，登第甫六年，即入内阁预机务，侪辈多有异议，而辂处之自如。尤与钱溥不相能，溥至为《秃妇传》讥之，亦不与之较。其再起也，黎淳以景泰中易储事专归咎于辂，上章攻之，辂待之无异平时。君子谓其有大臣之量云。子良臣，中进士，为侍讲；次子良辅，刑部主事。孙汝谦，尚宝司丞，以荫得官。”

壬申，降侍讲学士焦芳为湖广桂阳州同知。先是，芳与侍讲尹龙为同官，往还甚密。会兵部郎中邹袭坐罪，龙嫉军官奏保复职，芳颇与闻其事。仍为东厂官校缉知以闻，逮锦衣卫鞠之，狱成，刑部拟罪赎杖还职。有旨芳居官翰林，乃违法代人具奏草，持身不谨，难任京职，令吏部降二级调外任。（据《馆阁漫录》卷六《成化二十二年》）

八月

己卯，命侍讲学士李东阳、左春坊左谕德傅瀚为顺天府乡试考官，赐宴本部。甲

申，降编修王敕为湖广夷陵判官。御史吕璋劾与尹龙往来，出妻行酒，丑声外闻。己丑，升吏部左侍郎耿裕为本部尚书。（据《馆阁漫录》卷六《成化二十二年》）

两京及河南、山东、陕西、山西、浙江、湖广、江西、福建、广东、广西、四川、云南等十二布政司乡试；贵州士子附云南乡试。

顺天府、应天府乡试，各录取一百三十五名。李东阳《怀麓堂集》卷二十七《顺天府乡试录序》：“成化丙午……秋八月，实天下乡试之期。顺天府……赴试之士二千三百人，试而中者百三十有五人。遵制额所定，弗敢过也。”程敏政《篁墩文集》卷二十六《应天府乡试录后序》：“应天府臣以成化丙午南畿乡试……得士百三十五人。”

应天乡试，钦承之以《诗经》发解。程敏政《篁墩文集》卷二十六《双桂堂诗序》：“钦承之举成化丙午……丙午之秋，予实奉诏试士南都。承之之文，校诸《诗》八百人最优，而不为分考者所赏识。予得之落卷中，惊惜不已，擢魁其经。同寅汪公恍然曰：‘非其先人有大积德，不及此！’既启卷，则钦也，一堂哄然，以为得士。”

顺天府乡试小录误写中式举人刘经为刘纶，令改正。《明宪宗实录》卷二百八十一：成化二十二年八月，“戊戌，顺天府府尹吴玘等，以乡试小录内误写中式举人刘经为刘纶，奏乞改正，且待罪。有旨科举重事，何不详审查对，以致差讹？姑宥其罪，令改正”。

顺天府丞黄杰坐处乡举预试不公，降二级调外任为广东肇庆府同知。（据《明宪宗实录》卷二百八十一“成化二十二年八月癸未”）

九月

罢南京兵部尚书王恕，朝野大骇。《明鉴纲目》卷四：“纲：丙午二十二年，秋九月，罢南京兵部尚书王恕，出马文升代之。目：恕先后应诏陈言，凡五十余奏，皆力阻权幸，天下倾心慕之，时为谣曰：‘两京十二部，独有一王恕。’于是贵近皆侧目，帝亦颇厌苦之。是年起用传奉官，恕谏尤切，帝愈不悦，令恕致仕，调文升南京。（以李孜省潜也。）朝野大骇。”

申定国子监生拨历之例。《明宪宗实录》卷二百八十二：成化二十二年九月庚申，“申定国子监生拨历之例。先是，国子监以纳粟监生四千六百七十余名行取复班，欲如例与科贡监生相兼拨历，行礼部奏乞处置。有旨，命本部会同吏部国子监斟酌以闻。至是覆奏：‘纳粟与科贡监生相兼拨历，已有定例。但今纳粟者多，而科贡者少，宜从国子监通行钦出，各取其复班岁月深浅，以定其名次先后。临拨之际，以两途人数多寡，酌量均平，相兼拨历。如此，既不垂祖宗一定之法，亦不失朝廷权宜之信。仍行南京国子监如例施行。’上从之。命本监临期务必酌量均平，不许徇私”。

左春坊左谕德林瀚乞归展祭，许之。调司经局洗马罗璟为南京礼部员外郎。时璟起复，以复任请，有旨：“罗璟丁忧日久，吏部何不补缺，必待璟服满方奏。璟不许复

任，调南京部属。耿裕等可自陈状。”裕等引罪，命姑宥之。故事，洗马非常选官，不当补缺，以璟与侍讲尹龙有连，故责及之，然亦由其乡人欲谋侍东宫讲读，而璟适至，曠李孜省为之也。（据《馆阁漫录》卷六《成化二十二年》）

申定监生拨历之制。（据《国榷》卷四十）

尹直入内阁，预机务。《馆阁漫录》卷六《成化二十二年》：“丁卯，手敕改兵部左侍郎尹直为户部左侍郎兼学士，入内阁参预机务。直辞谢，上曰：‘卿久在翰林，才识老成，特兹简用，不允辞。’戊辰，命编修梁储兼司经局校书。”《明鉴纲目》卷四：“纲：以尹直为户部左侍郎，兼翰林学士，入内阁，预机务。目：直官南京八年，郁郁不得志，以李孜省力，召为兵部侍郎。至是，取中旨入阁。”

十月

各部、翰院官员变动。十月壬申朔。丁丑，调吏部右侍郎黎淳于南京吏部，夺尚书耿裕俸两月，文选司官吏三月。庚寅，调吏部尚书耿裕于南京礼部。改工部尚书李裕、礼部左侍郎徐溥于吏部，溥仍兼学士。升掌大理寺事、工部尚书杜铭为刑部尚书，礼部右侍郎谢一夔工部尚书，左通政黄景礼部左侍郎，兵部右侍郎何琮本部左侍郎；南京太常卿刘宣吏部，翰林学士倪岳礼部，巡抚延绥右佥都御史吕雯兵部，俱右侍郎；右佥都御史边鏞左副都御史，冯贯改大理卿。己亥，手敕加英国公张懋、保国公朱永太傅太子太师，襄城侯李瑾、定西侯蒋琬、新宁伯谭佑、昌宁伯赵胜太保兼太子太傅；大学士万安升少傅兼太子太师，刘吉少保兼太子太傅，尚书大学士如故；侍郎彭华升礼部尚书，尹直兵部尚书，俱加太子少保，仍兼学士。（据《馆阁漫录》卷六《成化二十二年》）

十一月

命僧道官仍考试入选。（据《国榷》卷四十）

更定会试取士额数：南、北卷各退二卷，为中卷。《明宪宗实录》卷二百八十四：成化二十二年十一月，“丙寅，更定会试取士额数。时四川左布政使潘稹等言：旧例，会试天下举人，以百名为率，南数取五十五名，北数取三十五名，中数取一十名，未免不均。事下礼部会议，尚书周洪谟等覆奏：请于南北数内各以一名添补中数。有旨，以所议未当，令再议。至是，洪谟等又言：今天下乡试解额，南数五百四十七名，北数四百二十名，中数一百九十三名。宜酌量俱以十名之上取中一名，仍以百名为率，南数取五十三名，北数取三十三名，中数取一十四名。比之旧数，南北各减二名，中数增多四名，庶取士均平，人心惬服。从之。洪谟与内阁学士万安俱四川人，故稹迎合建言，与议者皆知其非，然以安与洪谟故，皆唯唯顺从而已”。《国榷》卷四十：“（成化二十二年

十一月)丙寅,更定会试取士:南数五十三人,北数三十三人,中数十四人。”按,此例仅行于成化二十三年丁未科。弘治二年七月丙子,礼部尚书耿裕等奏准今后会试取士仍照宣德间所定南、北、中之数。

十二月

李东阳丁父忧。《明宪宗实录》卷二百八十五“成化二十二年十二月辛丑(三十日)”：“翰林院侍讲学士李东阳以父丧去任。”《国榷》卷四十：“(成化二十二年十二月)辛丑，翰林侍讲学士李东阳忧去。”

本年

南京钦天监以南京吏部等衙门会奏，天文生、阴阳人原额量加二分奏陈。本监原奉高皇帝圣旨，并引《大明律例》。礼部覆议，旧例皆无以女婿、外孙、义侄、别姓充补之，今宜行南京礼部，仍照近例举行。(据俞汝楫《礼部志稿》卷八十九)

罗玘输粟入国学。《东洲初稿》卷十四《礼部尚书罗文肃公行状》：“长乐谢公士元守郡，选校学士文高等者优品之，辍《尚书》，以《诗经》卒业。讲下不逾岁，而通曲义。然以文格，力追古作家，往往逸程度。经五六试科，竟不利。成化乙巳，关中大饥，例得入粟补上舍。季弟景远挟资代输，得度支牒，误书今名‘玘’。众喧议须易之，先生因忆往岁以母病祷大华山，有异梦与王者坐，指其掌，解绣裳授之，于今名义为协。遂承其误，安之。”《明史》罗玘传：“年四十，困诸生，输粟入国学。”(按：关中大饥在成化二十一年，罗玘入国学在明年。盖诏布天下，援例输粟，非顷刻可办。)

何廷仁(1486—1551)生。张惟骧《疑年录汇编》卷七：“何善山六十六廷仁，生成化二十二年丙午，卒嘉靖三十年辛亥。”《明史》儒林传：“何廷仁，初名秦，以字行，改字性之……雩都人。”黄宗羲《明儒学案》卷十九：“何廷仁字性之，号善山，初名秦，江西雩县人……三十年卒，年六十六。”

朱澍(1486—1552)生。据柯维骥《监察御史朱澍传》。字必东，号损岩，莆田人，嘉靖癸未进士，授湖广道监察御史。会兴国太后诞节，诏命妇朝贺，而慈寿太后诞节，转不令命妇朝贺。澍上疏争之，廷杖斥归，终于家。事迹具《明史》本传。有《天马山房遗稿》八卷。

蒋山卿(1486—1542)生。据其《诗集自序》。字子云，《千顷堂书目》作字仙卿，传写误也，仪真人。正德甲戌进士，官至广西布政司参政。有《蒋南泠集》十二卷。

明宪宗成化二十三年丁未（公元1487年）

正月

升南京翰林院侍读学士徐琼为南京太常寺卿掌南京国子监事。（据《明宪宗实录》卷二百八十六）

国子监司业费闾为左春坊左谕德，仍司业事。（据《国榷》卷四十）

己巳，升侍讲李杰为侍讲学士，仍旧清黄，以九年任满也。庚午，升编修杨守陟为南京侍读。故事，编修等官秩满，无故升南京者。时李孜省既构守陟从兄应天府丞守随，及守陟云。（据《馆阁漫录》卷六《成化二十三年》）

皇贵妃万氏卒。《明鉴纲目》卷四：“纲：丁未二十三年，春正月，皇贵妃万氏卒。目：妃服用器物，穷极僭拟，中官佞幸，钱能、覃勤、汪直、梁芳、韦兴辈，皆假贡献，苛敛民财，倾竭府库，以结妃欢。四方进奉异物，毕归之。父兄弟侄，皆授都督指挥千百户等官。性嫉妒，掖庭御幸有身，食药伤坠者无数。至是卒，帝震悼，辍朝七日，谥曰恭肃端慎荣靖皇贵妃。”

李孜省复被重用，任礼部右侍郎。《明鉴纲目》卷四：“纲：二月，以李孜省为礼部右侍郎。目：孜省中废复用，益作威福，缙绅进退，多出其口。前年冬擢通政使。至是进礼部，掌通政如故。”

二月

丁丑，命太子少保、兵部尚书兼学士尹直，右春坊右谕德吴宽为会试考官，取中程楷等三百五十人。癸未，修撰曾彦九年秩满，命升南京翰林侍读，支从五品俸。戊子，升左春坊左谕德吴希贤为南京侍读学士，掌院事。（据《馆阁漫录》卷六《成化二十三年》）查继佐《罪惟录》志卷十八《科举志》：“（成化）二十三年丁未，试贡士，得程楷等三百五十人，赐费宏、刘春、涂瑞等及第、出身有差。”

令副榜举人在监三年、年三十以上者，未入监并新科年二十五以上者，俱令就教职。教职六年有举人者，许会试。凡遇乡试，所司务聘才行兼优教职以充考官，敢以昏老寡识、曾经参问之人蒙蔽聘用者，罪有所坐。《明宪宗实录》卷二百八十七：成化二十三年二月，“己卯，礼部奏：成化二十二年天下乡试录文多乖谬及犯讳违式，乞将考试官训导黄奎等追夺聘礼，与录文举人卫杰等，俱令御史究问。然兹弊之来，盖以教职

易至淹滞，人不乐为，而就职者多非有学识之士。及至聘以典文，罕称其选。自今副榜举人，入监三年及未入监者，许令就教职。为教职者不限年资，许令会试。其满九载，试中绩著者，许推选御史、知县。凡遇乡试，所司务聘才行之士以充。敢以昏老寡识、曾经参问之人蒙蔽聘用者，罪有所坐。奏上，上曰：‘旧制二名不偏讳，犯下一字者不问。其违式并提调取招状。副榜举人在监三年、年三十以上者，未入监并新科二十五以上者，俱令就职。教职六年有举人者，许会试。余皆如议。’”

成化以后，始有八股之号。顾炎武《日知录》卷十六《试文格式》：“经义之文，流俗谓之八股，盖始于成化以后。股者，对偶之名也。天顺以前经义之文，不过敷衍传注，或对或散，初无定式，其单句题亦甚少。成化二十三年会试‘乐天者保天下’，文起讲先提三句，即讲乐天四股，中间过接四句，复讲保天下四股，复收四句，再作大结。弘治九年会试‘责难于君谓之恭’，文起讲先提三句，即讲责难于君四股，中间过接二句，复讲谓之恭四股，复收二句，再作大结。每四股之中，一反一正，一虚一实，一浅一深。其两扇立格，则每扇之中各有四股，其次第之法，亦复如之。故今人相传，谓之八股，若长题则不拘此。嘉靖以后，文体日变，而问之儒生，皆不知八股之何谓矣。《孟子》曰：大匠诲人，必以规矩。今之为时文者，岂必裂规偈矩矣乎！”李贽《焚书》卷三《时文后序》：“时文者，今时取士之文也，非古也。然以今视古，古固非今，由后观今，今复为古。故曰文章与时高下……彼谓时文可以取士，不可以行远，非但不知文，亦且不知时矣。夫文不可以行远而可以取士，未之有也。国家名臣辈出，道德功业，文章气节，于今烂然，非时文之选与？故棘闱三日之言，即为其人终身定论。苟行之不远，必言之无文，不可选也。”戴名世《戴名世集》卷四《丁丑房书序》：“经义之文，自天顺以前，作者第敷衍传注，或整或散，初无定式。而成化以后，始有八股之号。嗣是以来，文日益盛，而至于隆庆及万历之初，其法益巧以密。然而其波澜意度各自然者，历数百年未之有异也。今之论经义者有二家，曰铺叙，曰凌驾。铺叙者，循题位置，自首及尾，不敢有一言倒置，以为此成化、弘治诸家之法也。……今夫成化、弘治诸家之文具在，其鸿文名篇世所号为铺叙者，未尝不扼题之要而尽题之趣、极题之变，反复洞悉乎题之理，而非如今之讲铺叙者仅仅循题位置，寻讨声口，遂以为尽题之能事也。特其时风气浑朴，含蓄不尽，故但见为铺叙，而不知其铺叙之中未尝无凌驾者在也。至于隆庆、万历以来，其法益巧以密，人但见其为凌驾，而不知以题还题者，无以异于成化、弘治诸家，盖又以凌驾为铺叙者也。”

礼部奏：天下《乡试录》文多乖谬，乞将考试官训导黄奎等追夺聘礼，令御史究问。盖教职多非有学识之士，聘以典文，罕称其选云。（据《明宪宗实录》卷二百八十七、王圻《续文献通考》卷四十五《选举考·举士三》）

张缙（1487—1543）生。顾璘《南湖墓志铭》：“君生于成化丁未二月二十二日，以嘉靖癸卯五月五日卒，得年五十有七。”字世文，《千顷堂书目》作字世昌，疑传写误也。高邮人，正德癸酉举人，官至光州知州。有《张南湖先生诗集》四卷，附录一卷。

太仆寺卿吴原为户部右侍郎，提督仓场。翰林修撰曾彦为南京翰林侍读。（据《国榷》卷四十）

左春坊左谕德吴希贤为南京侍读学士，署院。（据《国榷》卷四十）

三月

彭华致仕。《馆阁漫录》卷六《成化二十三年》：“三月辛丑朔。丁未，太子少保、礼部尚书兼学士彭华以疾乞致仕，许之。赐白金三十两，宝钞三千贯，彩绣文绮衣一袭，并敕有司月给米四石，岁拨人夫六名应用，仍给驿舟还乡。华入阁未几，而倏以病去，人颇快之，谓其心险叵测。李孜省之用事，实华造端嗾使之，然秘而不露，其后孜省败，人始知所自云。”

戊申，命兵部尚书兼学士尹直兼经筵官，礼部侍郎倪岳仍兼讲官。壬戌，升编修敖山、检讨郑纪俱按察司副使，提调学校，山江西，纪浙江。（据《馆阁漫录》卷六《成化二十三年》）

费宏、刘春、涂瑞等三百五十一人进士及第、出身有差。改程楷、蒋冕等三十人为翰林院庶吉士。（据登科录）《明宪宗实录》卷二百八十八：成化二十三年三月，“乙卯，上御奉天殿策试举人程楷等三百四十九人”，“丁巳，上亲阅举人所对策，赐费宏等进士及第、出身有差。”“丁卯，授第一甲进士费宏为翰林院修撰，刘春、涂瑞编修。选进士程楷、蒋冕、屈伸、袁达、黄穆、傅珪、万弘璧、倪阜、华峦、吴俨、李汉、仲秉、罗玘、苏葵、郑炤、欧阳鹏、伍符、翁健之、李逊学、邹智、石珪、李充嗣、唐希介、蔡杲、毛纪、刘丙、任仪、阎价、杨廉、潘楷三十人改为翰林院庶吉士读书，命右春坊右庶子汪谐、左春坊左谕德兼翰林院检讨傅瀚教之。仍令有司给酒饌纸笔器物如例。其余分拨诸司办事。”《馆阁漫录》卷六《成化二十三年》：“丁卯，授第一甲进士费宏为修撰，刘春、涂瑞编修。选进士程楷、蒋冕、屈伸、袁达、黄穆、傅珪、万弘璧、倪阜、华峦、吴俨、李汉、仲秉、罗玘、苏葵、郑炤、欧阳鹏、伍符、翁健之、李逊学、邹智、石珪、李充嗣、唐希价、蔡杲、毛纪、刘丙、任仪、阎价、杨廉、潘楷三十人，改为庶吉士读书，命左（右）春坊右庶子汪谐、左春坊左谕德兼检讨傅瀚教之。”徐溥《谦斋文录》卷二《奉敕撰丁未科进士题名记》：“惟丁未之春，士之会试京师者，既取之如制。乃三月十五日廷试，越二日，传胪，赐费宏等三百五十一人登进士第。已而礼部循故事，奏请立石题名于国子监。”罗玘《圭峰集》卷十二《进士题名记·庶吉士月课》：“皇明自洪武辛亥开科迄今，上御极之二十有三年丁未，为年者百有二十，为科者三十有五，率由成宪，益畏益祗，罔敢越作。于时春，天下士集于礼部者四千有奇。以士论，故诏集廷臣议酌南、北、中之数而平准之，南损二、北损二，以益于中。盖以地计，而不专于文艺，而论始定。暨合而度之，得三百五十人。三月乙卯，又合前此遗于廷试者，偕进之于廷。上亲策以体统、纪纲、制度之目。越二日丁巳，上御奉天殿，传胪赐费宏等三百五十一人进士及第、出身有差。揭榜长安左门外，

翼日赐宴于礼部，乃录以传。某月某日诏工部如故事于国子监立石，而命臣记为之记。”《成化二十三年进士登科录·玉音》：“成化二十三年三月十二日，太子少保礼部尚书臣周洪谟等，于奉天门奏为科举事。会试天下举人，取中三百五十一名。本年三月十五日殿试，合请读卷官及执事等官少傅兼太子太师吏部尚书华盖殿大学士万安等五十三员。其进士出身等第，恭依太祖高皇帝钦定资格，第一甲例取三名，第一名从六品。第二第三名正七品，赐进士及第。二甲从七品，赐进士出身。第三甲正八品，赐同进士出身。奉圣旨：是，钦此。读卷官：光禄大夫柱国少傅兼太子太师吏部尚书华盖殿大学士万安，戊辰进士；光禄大夫柱国少保兼太子太傅户部尚书谨身殿大学士刘吉，戊辰进士；资善大夫太子少保兵部尚书兼翰林院学士尹直，甲戌进士；资政大夫吏部尚书李裕，甲戌进士；资善大夫刑部尚书杜铭，乙丑进士；资善大夫都察院右都御史刘敷，辛未进士；正议大夫资治尹吏部左侍郎兼翰林院学士徐溥，甲戌进士；嘉议大夫户部右侍郎李嗣，甲戌进士；正议大夫资治尹兵部左侍郎何琮，甲戌进士；嘉议大夫工部左侍郎贾俊，庚午贡士；嘉议大夫大理寺卿冯贯，甲申进士；翰林院侍读学士奉训大夫李杰，丙戌进士。提调官：资德大夫正治上卿太子少保礼部尚书周洪谟，乙丑进士；嘉议大夫礼部左侍郎黄景，己丑进士；嘉议大夫礼部右侍郎倪岳，甲申进士。监试官：承事郎浙江道监察御史范珠，丙戌进士；文林郎广西道监察御史朱瓚，乙未进士。受卷官：翰林院侍读董越，己丑进士；翰林院编修文林郎江澜，戊戌进士；从仕郎吏科掌科事给事中王质，甲辰进士；征仕郎户科掌科事给事中陈寿，壬辰进士。弥封官：嘉议大夫鸿胪寺掌寺事礼部左侍郎贾斌，监生；通议大夫太常寺卿林章，儒士；亚中大夫光禄寺卿胡恭，癸酉进士；中顺大夫尚宝司掌司事通政使司左通政李溥，秀才；中宪大夫太常寺少卿何暹，监生；翰林院侍讲王臣，己丑进士；翰林院检讨征仕郎刘机，戊戌进士；翰林院检讨征仕郎杨廷和，戊戌进士；征仕郎礼科掌科事给事中韩重，戊戌进士；征仕郎兵科掌科事给事中吴凯，壬辰进士。掌卷官：左春坊左中允周经，庚辰进士；翰林院编修文林郎刘震，壬辰进士；从仕郎刑科掌科事给事中赵竑，甲辰进士；征仕郎工科掌科事给事中王珩，乙未进士。巡绰官：骠骑将军锦衣卫都指挥使朱骥；昭勇将军锦衣卫指挥使季成；昭勇将军锦衣卫指挥使钱通；怀远将军锦衣卫指挥同知孙瓚；怀远将军锦衣卫署指挥同知刘良；明威将军锦衣卫指挥佥事杨纲；明威将军金吾前卫指挥佥事高玺；明威将军金吾后卫指挥佥事高德。印卷官：奉训大夫礼部仪制清吏司署郎中事员外郎阎伦，乙未进士；承德郎礼部仪制清吏司署员外郎事主事龙寿，戊戌进士；承直郎礼部仪制清吏司主事乔宇，甲辰进士；礼部仪制清吏司主事王爵，甲辰进士。供给官：奉政大夫光禄寺少卿张楨叔，己丑进士；光禄寺少卿贺思聪，乙未进士；登仕郎礼部司务方佐，壬午贡士；奉训大夫礼部精膳清吏司署郎中事员外郎周宏，乙未进士；承德郎礼部精膳清吏司署员外郎事主事徐说，戊戌进士；承直郎礼部精膳清吏司主事胡积学，辛丑进士。”《成化二十三年进士登科录·恩荣次第》：“成化二十三年三月十五日早，诸贡士赴内府殿试，上御奉天殿亲赐策问。三月十七日早，文武百官朝服侍班。是日锦衣卫设卤簿于丹陛丹墀内，上御奉天殿，鸿胪寺官传制唱名，礼部官捧黄榜，鼓乐导引出长

安左门外，张挂毕，顺天府官用伞盖仪从送状元归第。三月十八日，赐宴于礼部。宴毕，赴鸿胪寺习仪。三月十九日，赐状元朝服冠带及进士宝钞。三月二十日，状元率诸进士上表谢恩。三月二十一日，状元率诸进士诣先师孔子庙行释菜礼，礼部奏请命工部于国子监立石题名。”《弇山堂别集》卷八十二《科试考二》：“二十三年丁未，命太子少保兵部尚书翰林院学士尹直、右春坊右谕德吴宽为考试官，取中程楷等。廷试，赐费宏、刘春、徐（涂）瑞及第。逾月，改进士程楷、蒋冕、屈伸、袁达、黄穆、傅珪、万弘璧、倪阜、华峦、吴俨、李汉、仲斐、罗玘、苏葵、郑炤、欧阳鹏、伍符、翁健之、李逊学、邹智、石珪、李充嗣、唐希介、蔡杲、毛纪、刘丙、任仪、阎价、杨廉、潘楷（下当缺‘为庶吉士’四字），命右庶子汪谐、左谕德傅瀚教习。弘璧，少师大学士安孙也，父翼，为南京礼部左侍郎。”“是岁，尹作《试录序》称，宣德丁未大学士杨士奇议会试取士分南、北卷，北四南六，既而以百乘除，各退五，为中数，是年以言者又各退二，以益中数云。”

费宏状元及第。陆楫《蒹葭堂杂抄》：“太保费文宪公，年十六领癸卯乡荐，赴试礼部，道经吕梁洪时，公从父某为主事，有事于此，一见公即曰：‘吾侄此行不第，当卒業北雍。’公愕然问故，答曰：‘近得一梦，吾见侄在北监领签出馆，签上写“彭时”二字。彭公状元宰相也，吾侄勉之。’已而，公是年果不第。即入北监读书，专事博洽，以资策学。至丁未，果状元及第，官至少师大学士。计得梦时彭公尚在。及后，彭公卒于官，谥文宪。公以嘉靖乙未再召入阁，亦卒于官，谥亦如之。二公不但科第禄位偶同，虽考终赐谥如出一辙，亦异矣。”张萱《西园闻见录》卷四十四《礼部》三《科场·往行》：“费宏，字子元，铅山人。成化丁未状元及第，历官华盖殿大学士，谥文宪。公甫弱冠，领乡荐。甲辰上春官不第，世父公瑄方以都水司主事出治吕梁，贻之书曰：‘汝脱下第，毋南归，宜入北监读书。’丙午还，讯之曰：‘伯父何以逆知宏之不第，而必令人北监耶？’复庵笑曰：‘此尔远到之兆也，盖吾尝梦尔入监，领班签，签乃彭文宪公故物也。文宪尝游北监，中状元矣，汝第勉之。’至是果然，人咸异之。正德辛未会试天下士，公以礼部左侍郎知贡举，试院诸需，旧皆取之顺天府宛、大二县，裁数百金，而民不堪，用且不给。公议以各省乡试用度皆有羨余，请俱令解部，转贮顺天府库而取用之，遂加旧额三之二，诸用以足。”

罗玘得邱浚、李东阳赏识，中进士，选庶吉士。《东洲初稿》卷十四《礼部尚书罗文肃公行状》：“入京师，祭酒丘文庄公议，以南北人分隶两监，上下莫敢抗议。先生独援杨公鼎北人告就南监以师陈先生为词，三朴之而志不移。文庄公异之，且诟曰：‘若能识几字？’先生亦甚愤激，大声曰：‘秘禁书不能读也。’姑留之而署识其名于庭柱。越数日，堂试数百人，众方构思，先生不属稿，援笔而就。文庄公惊叹曰：‘若之不偶，诚有司过也。’更试以《长安赋》，公以为可步《两都》，时袖入朝，遇知厚辄与赞赏之。丙午入试，李文正公得卷大喜曰：‘真才也！’以冠解额，时议翕然以为得人。明年举进士，选庶吉士，授翰林编修。益工古文，名重中外，仰之师之，文体因之一变。然不苟作，亦不易作。每注意便阖门数日，谢人事苦思，废起食。会得意，命笔浑

成，不易几字。有碍处，起句数十易，不工不休也。”

据《成化二十三年进士登科录》，第一甲三名，赐进士及第。履历如下：

费宏，贯江西广信府铅山县，民籍，国子生，治《书经》。字子充，行二，年二十，二月二十六日生。曾祖荣祖。祖应麒，赠工部主事。父璠。母余氏。重庆下。兄宪。弟宁、官、密、完、宇、嵩、家、宗、密。娶濮氏。江西乡试第二十名，会试第二十一名。

刘春，贯四川重庆府巴县，民籍，国子生，治《礼记》。字仁仲，行二，年二十八，十一月二十九日生。曾祖克明。祖刚，驿丞。父规，州判，前监察御史。母邓氏。重庆下。兄相。弟台。娶蹇氏。四川乡试第一名，会试第七十七名。

涂瑞，贯广东广州府番禺县，民籍，国子生，治《书经》。字邦祥，行一，年四十，三月十八日生。曾祖伯善。祖俊生。父曷，前任主簿。母夏氏。具庆下。弟瓚；琛；瑾，同科进士；珣；珪。娶黄氏。广东乡试第一名，会试第二十九名。

据《成化二十三年进士登科录》，第二甲一百一十名，赐进士出身。履历如下：

程楷，贯江西饶州府乐平县，军籍，国子生，治《诗经》。字正之，行二十一，年三十五，八月二十一日生。曾祖仕简，训导。祖文拱。父春芳。母周氏。具庆下。兄辅之。娶毛氏。江西乡试第十八名，会试第一名。

王玺，贯四川重庆府合州，民籍，国子生，治《易经》。字廷信，行一，年四十，正月十二日生。曾祖友仁。祖朝忠。父渊。母祝氏。具庆下。弟璘。娶朱氏。四川乡试第四十名，会试第三百三十九名。

季源，贯江西南昌府进贤县，民籍，国子生，治《书经》。字本清，行一，年三十八，正月二十八日生。曾祖宗文。祖廷杰。父时春。母李氏。重庆下。弟本、宽、渊、澄、潮。娶胡氏。江西乡试第一名，会试第三百二十六名。

周夔，贯江西吉安府庐陵县，民籍，国子生，治《诗经》。字甫敬，行三，年三十五，三月十八日生。曾祖思荣。祖彦政。父实。母龙氏。慈侍下。兄瑚、珪。弟斐。娶王氏。江西乡试第十六名，会试第一百六十七名。

刘孟，贯江西吉安府安福县，军籍，国子生，治《春秋》。字子贤，行一，年三十五，二月十九日生。曾祖贵良。祖拱政，封刑部员外郎。父秩，刑部郎中。前母周氏，赠宜人，母留氏。重庆下。弟篔、簠、盛、璫。娶管氏。江西乡试第十八名，会试第二百一十一名。

任伦，贯河南睢阳卫，军籍，国子生，治《礼记》。字秉元，行一，年三十二，五月初九日生。曾祖宣。祖质。父广。母王氏。具庆下。娶高氏。河南乡试第二十九名，会试第三百四十六名。

陈钦，贯浙江绍兴府会稽县人，南京钦天监籍，应天府学生，治《书经》。字亮之，行七，年二十四，十月二十九日生。曾祖一廉。祖嵩。父璪，教谕。母刘氏。重庆下。兄铎；铤；铨；钺；镐，同科进士；铠。弟锐。娶蒋氏，继娶王氏。应天府乡试第三十七名，会试第十九名。